

2009 nr. 107 30. október

Lög um aðgerðir í págu einstaklinga, heimila og fyrirtækja vegna banka- og gjaldeyrishrunsins

Tóku gildi 31. október 2009. I. og II. kaffi falla brott 31. desember 2011 skv. 10. gr. *Breytt með I. 151/2010 (tóku gildi 29. des. 2010).*

I. kaffli. Almenn ákvæði.

■ 1. gr. Markmið.

□ Markmið laga þessara er að hraða endurreisn íslensks efnahagslifs í kjölfar banka- og gjaldeyrishrunsins haustið 2008 og að jafnvægi komist á virði eigna og greiðslugetu annars vegar og fjáskuldbindinga einstaklinga, fyrirtækja og heimila hins vegar. Lögin kveða á um leiðir og viðmið til að ná því markmiði.

■ 2. gr. Einstaklingar og heimili.

□ Í samningi milli kröfuhafa og skuldara um eftirgjöf skulda eða breytingu á skilmálum skuldabréfa og lánssamninga skal fyrst og fremst horft til þess að laga skuldir að greiðslugetu og eignastöðu viðkomandi einstaklings eða heimilis. Skal miðað að því að hámarka gagnkvæman ávinnung samningsaðila af því að gefa eftir tapaðar kröfur og komast hjá óþarfari kostnaði og óhagræði. Heimilt er eftirlitsskyldum aðilum á fjármálamarkaði að móta með samkomulagi sín á milli samræmdar verklagsreglur um skuldaðlögun sem gildi tíma-bundið.

□ Verklagsreglur sem settar eru skv. 1. mgr. skulu m.a. taka til eftirtalinna atriða:

1. Mats á eigna- og skuldastöðu skuldara.
2. Mats á greiðslugetu skuldara þar sem tekið skal tillit til eðlilegrar framfærslu.
3. Mats á aðstæðum skuldara, m.a. fjölskyldugerð, húsnæði og sérstökum aðstæðum.
4. Skýrleika og réttmætis kröfu kröfueiganda.
5. Skýrleika og réttmætis kröfum.
6. Hlutlægni við ákvörðunartöku kröfueiganda.

■ 3. gr. Fyrirtæki.

□ Kröfueigendur skulu setja sér reglur um skuldbreytingar og breytingar á skilmálum skuldabréfa og lánssamninga sem kunna að leiða til eftirgjafar skulda eða annarra ívílnana fyrir skuldara. Skulu reglurnar vera aðgengilegar fyrir lántaka og aðra viðskiptavini þeirra.

□ Fjármálaeftirlitið skal staðfesta reglur sem aðilar sem fara með eftirlitsskylda starfsemi skv. 2. gr. laga nr. 87/1998, um opinbert eftirlit með fjármálastarfsemi, setja sér.

□ Reglur skv. 1. mgr. skulu m.a. taka til eftirtalinna atriða:

1. Mats á eigna- og skuldastöðu skuldara.
2. Mats á greiðslugetu skuldara þar sem tekið skal tillit til fyrirsjáanlegs sjóðstreymis fyrirtækja og tekjumöguleika einstaklinga.
3. Mats á skuldara, stjórnendum og eigendum fyrirtækja.
4. Skýrleika sem sett kunna að verða fyrir ákvörðunum um breytingar á skilmálum skuldabréfa eða lánssamninga.
5. Skýrleika og réttmætis kröfum.
6. Hlutlægni við ákvörðunartöku kröfueiganda.
7. Samkeppnissjónarmiða.

II. kaffli. Eftirlit með sértækum aðgerðum.

■ 4. gr. Eftirlitsnefnd.

□ Efnahags- og viðskiptaráðherra skipar faglega nefnd sem

hefur eftirlit með framkvæmd sértækrar skuldaðlögunar, sbr. I. kafla. Í nefndina skal skipa þrjá menn, hagfræðing, endurskoðanda og einstakling sem uppfyllir skilyrði um embættisgengi heraðsdómara og skal hann vera formaður nefndarinnar. Eftirlitshlutfverk nefndarinnar nær eingöngu til eftirlitsskyldra aðila á fjármálamarkaði, sbr. lög nr. 87/1998, um opinbert eftirlit með fjármálastarfsemi. [Þá er ráðherra heimilt að skipa nefndinni starfsmenn sem starfa á ábyrgð og undir handleiðslu nefndarinnar.]¹⁾

□ ...¹⁾

□ Ráðherra setur í samráði við hagsmunaaðila reglugerð²⁾ um störf eftirlitsnefndar.

¹⁾ L. 151/2010, 3. gr. ²⁾ Rg. 307/2010.

■ 5. gr. Hlutverk eftirlitsnefndar.

□ Eftirlitsnefnd skv. 4. gr. skal fylgjast með og kanna að eigin frumkvæði hvort eftirlitsskyldir aðilar á fjármálamarkaði framfylgja samræmdum reglum sem kunna að verða settar á grundvelli 2. gr. og reglum skv. 2. mgr. 3. gr. Nefndin skal enn fremur fylgjast með því að við framkvæmd sértækra aðgerða sé gætt sanngirni og jafnræðis milli skuldara.

□ Nefndin skal hafa samstarf við umboðsmann sem starfar í págu viðskiptavina viðkomandi fjármálaufyrirtækis ef hann er fyrir hendi.

□ Nefndin getur kallað eftir gögnum um ákvæðanir sem teknar eru á grundvelli I. kafla. Ákvæði 58. gr. laga nr. 161/2002, um fjármálaufyrirtæki, koma ekki í veg fyrir að nefndin fái afhent gögn eða aðgang að fundum. Nefndin skal bundin þagnarskyldu um gögn og upplýsingar sem hún kann að fá vitneskju um við starf sitt.

□ Telji nefndin að samræmdum reglum skv. 2. gr. og reglum á grundvelli 2. mgr. 3. gr. sé ekki fylgt eða sanngirni og jafnræðis ekki gætt skal hún greina ráðherra frá því í sértöku álti. Varði meint brot reglur á grundvelli 2. mgr. 3. gr. skal nefndin jafnframt skila álti sínu til Fjármálaeftirlitsins. Nefndin skal þó gæta þagnarskyldu við gerð álti og gæta þess að ekki séu gefnar upplýsingar sem varpa ljósi á hvaða viðskiptavinur eigi í hlut.

□ Vakni grunur hjá nefndinni um að við framkvæmd reglanna sé gengið að lögbundnu eigin fé eftirlitsskyldra aðila eða rekstri þeirra að öðru leyti skal hún tilkynna það til Fjármálaeftirlitsins.

□ Nefndin skal skila skyrslu til ráðherra um framkvæmd á ákvæðum I. kafla fyrir 1. mars 2010 sem ráðherra kynnir fyrir Alpingi. Ráðherra getur enn fremur óskað eftir skyrslu frá nefndinni eftir þann tíma, sem hann skal jafnframt kynna fyrir Alpingi.

■ 6. gr. Úrskurðarnefnd.

□ Komi til ágreinings milli kröfuhafa um niðurfærslu skulda fyrirtækis við sértæka skuldaðlögun skal heimilt að skjóta ágreiningi til úrskurðarnefndar.

□ Efnahags- og viðskiptaráðherra skipar fjóra menn í úrskurðarnefndina. Skal einn skipaður samkvæmt tilnefningu frá Samtökum atvinnulífsins, einn samkvæmt tilnefningu frá Samtökum fjármálaufyrirtækja, einn án tilnefningar og einn af Hæstarétti og skal hann vera formaður nefndarinnar. Formaður hefur oddatkvæði. Varamenn skulu skipaðir með sama hætti.

□ Nefndinni er heimilt að leita sér utanaðkomandi aðstoðar frá endurskoðunar- eða ráðgjafarfyrirtækjum.

□ Málsaðilar skulu láta nefndinni í té öll gögn máls, svo og þær upplýsingar og skyringar er nefndin telur þörf á. Ákvæði 58. gr. laga nr. 161/2002, um fjármálaufyrirtæki, koma ekki í

veg fyrir að nefndin fái afhent gögn. Úrskurðarnefndin skal bundin þagnarskyldu um þau gögn og upplýsingar sem hún kann að fá vitnesku um við starf sitt.

□ Innheimta skal gjald með málskoti til úrskurðarnefndar vegna málsmeðferðar fyrir nefndinni sem ráðherra ákværðar með reglugerð. Gjaldið, sem rennur í ríkissjóð, skal taka mið af kostnaði af þóknun nefndarmanna, rekstur málsins fyrir nefndinni, starfsaðstöðu, sérfræðiaðstoð og gagnaöflun. Tapist mál í grundvallaratriðum skal sá aðili sem heldur fram málstað og tapar að jafnaði greiða málskostnað. Nefndin kveður á um fjárhæð og skiptingu gjalds í úrskurðarorðum sínum.

□ Ráðherra setur reglugerð um starfsemi úrskurðarnefndarinnar, m.a. um verklag við úrlausn deilumála, starfshætti, starfsstöð, starfsmenn nefndarinnar, sérfræðiaðstoð, málskotsgjöld og kostnað lögðaðila, skiptingu kostnaðar og aðra þætti er líta að starfsumhverfi nefndarinnar.]¹⁾

¹⁾ L. 151/2010, 4. gr.

■ [7. gr. Kostnaður við rekstur eftirlitsnefndar skv. 4. gr. og úrskurðarnefndar skv. 6. gr. greiðist úr ríkissjóði, en lána-stofnanir skv. 4. gr. laga nr. 161/2002 skulu endurgreiða þann kostnað eftir reglum sem ráðherra setur.]¹⁾

¹⁾ L. 151/2010, 4. gr.

III. kaffli. Breytingar á lögum nr. 63/1985, um greiðslu-jöfnun fasteignaveðlána til einstaklinga.

■ [8.–9. gr.]¹⁾ ...

¹⁾ L. 151/2010, 4. gr.

IV. kaffli. Breytingar á lögum nr. 44/1998, um húsnæð-ismál.

■ [10.–11. gr.]¹⁾ ...

¹⁾ L. 151/2010, 4. gr.

V. kaffli. Gildistaka.

■ [12. gr.]¹⁾ Lög þessi taka þegar gildi. I. og II. kaffli falla brott 31. desember 2011.

¹⁾ L. 151/2010, 4. gr.

Ákvæði til bráðabirgða.

■ I. Ráðherra skal við gildistökum laga þessara skipa starfs-hóp með fulltrúum allra þingflokkja, sérfræðingum og fulltrúum hagsmunaaðila. Hópurinn skal meta árangurinn af framkvæmd laganna og skoða álitaefni sem upp koma við framkvæmdina, sem og álitaefni tengd þinglysingum og stöðu síðari veðhafa, samkeppnisréttarleg álitaefni sem tengast lögunum og þörf á takmörkun á gildistíma laganna.

□ Þá skal starfshópurinn skoða stofnun nýs embættis um-boðsmanns skuldara sem m.a. skuli gæta hags og réttinda skuldara, beita sér fyrir því að áhrif laga þessara séu í samræmi við markmið þeirra, vinna að því að tryggja jafnræði, sanngirni og gagnsæi í samskiptum og samningum fjármála-fyrirtækja við skuldara og taka við og meðhöndlala ábendingar og mál um misbeitingu laganna.

□ Starfshópurinn skal skila ráðherra fyrstu tillögum sínum og drögum að lagabreytingum eftir því sem efni standa til en þó eigi síðan en 1. mars 2010 og síðan eftir þörfum. Ráðherra skal að því búnu leggja fyrir Alþingi frumvarp til laga um breytingu á lögnum.

■ II. Ráðherra skal leita leiða til að mæta skorti á langtíma-fjármögnun á íbúðalánamarkaði og tryggja fjármögnun og endurfjármögnun íbúðalána fyrir fjármála-fyrirtæki og Íbúðala-nasjóð.

□ Ráðherra skal leggja frumvarp þess efnis fyrir Alþingi.